



DET KONGELEGE
KULTURDEPARTEMENT

Kommunar og fylkeskommunar

Dykkar ref

Vår ref

Dato

18/27-18

22. juni 2018

Orientering om tilskot til anlegg for idrett og fysisk aktivitet til fordeling i 2019

Orienteringa gjeld tilskot av spelemidlar til anlegg for idrett og fysisk aktivitet, for søknadsordningane ordinære anlegg og nærmiljøanlegg.

Frå og med 15. juni kan det søkjast om tilskot til bygging og/eller rehabilitering av anlegg som er opne for allmenn idrettsleg verksemd. Søknadsskjema vert gjort tilgjengeleg på www.anleggsregisteret.no.

Alle føresegner om tilskot av spelemidlane til anlegg for idrett og fysisk aktivitet finst i vedlagte V-0732 *Bestemmelser om tilskudd til anlegg for idrett og fysisk aktivitet - 2018*. Føresegnene og anna informasjonsmaterieil kan hentast på Kulturdepartementet si nettside www.anleggsregisteret.no, og ei utfyllande liste over publikasjonar og rettleiarar finst på www.kud.dep.no/idrettspublikasjoner. Offentlege etatar/verksemdar kan bestille publikasjonane frå Service- og tryggingorganisasjonen til departementa via nettsida www.publikasjoner.dep.no.

Departementet ønskjer med dette brevet å informere om følgjande tema:

- Kommunale fristar
- Krav til søkjar
- Anlegget sin plass i kommunal plan
- Rehabilitering av anlegg
- Idrettsfunksjonell førehandsgodkjenning av planar

Kommunale fristar

Søknader vert sende inn elektronisk i skjema tilgjengeleg via nettsida www.anleggsregisteret.no. Søknaden vert automatisk send kommunen der anlegget skal byggjast/vert rehabiliterert. Kommunane fastset sjølve fristar for innsending av søknader for søkjarar i sin kommune. Kommunane skal kontrollere og prioritere søknader, og sende desse til fylkeskommunen innan 15. januar 2018.

Postadresse
Postboks 8030 Dep
0030 Oslo
postmottak@kud.dep.no

Kontoradresse
Grubbegata 1
www.kud.dep.no

Telefon*
22 24 90 90
Org.nr.
972 417 866

Avdeling
Avdeling for
sivilsamfunn og idrett

Saksbehandlar
Daniel Storholthe
Kristiansen
22 24 78 37

Krav til søkjar

Det er eit grunnleggjande prinsipp at tilskot i form av spelemidlar ikkje skal skape grunnlag for fortenebasererte eigarformer. For oversikt over kven som kan søkje tilskot, sjå V-0732 pkt. 2.2.1 for ordinære anlegg, og pkt. 3.3.1 for nærmiljøanlegg. Søkjarar må vere registrerte i Einingsregisteret og vere gitte eit organisasjonsnummer.

Anlegget sin plass i kommunal plan

Anlegg det vert søkt om tilskot til skal inngå i ein vedteken kommunal plan som omfattar idrett og fysisk aktivitet.

Departementet har utarbeidd ei sjekklister for relevante forhold som inngår i vurdering av anleggsbehov i ein kommune. Sjekklister er tilbod om eit hjelpemiddel i arbeidet med datainnsamling og medverknad som gjerast i samband med behovsvurderingar. Sjekklister inngår i føresegnene som vedlegg 8.

Rehabilitering av anlegg

Det kan søkjast om tilskot til rehabilitering av anlegg etter 20 års brukstid. For idrettsdekke og einskilde andre element, samt for alle nærmiljøanlegg, kan det søkjast om tilskot etter 10 års brukstid. For detaljinformasjon om tilskot til rehabilitering av ordinære anlegg, sjå V-0732 pkt. 2.4, og for nærmiljøanlegg pkt. 3.4.1.

Nærmare informasjon finst også i publikasjon V-0977 *Rehabilitering/ombygging av eldre idrettsanlegg*.

Idrettsfunksjonell førehandsgodkjenning av planar

Planar det vert søkt om tilskot til, må ha vore gjennom ei vurdering og ha fått ei idrettsfunksjonell førehandsgodkjenning for å sikre at anlegget varetek idrettslege behov og gode idrettsfunksjonelle løysingar. Idrettsfunksjonell førehandsgodkjenning **må** vere gitt før byggjearbeida vert starta. Det vert vist til V-0732 pkt. 2.5 med underpunkt. Det vert også vist til departementet sin rettleiar for idrettsfunksjonell førehandsgodkjenning, V-0985.

Departementet har gitt kommunane fullmakt til å førehandsgodkjenne planar for alle ordinære anlegg, unnateke symjeanlegg, kunstisanlegg og nasjonalanlegg.

Departementet oppmodar om at idrettsfunksjonell førehandsgodkjenning av andre anlegg berre vert sendt departementet til behandling i *heilt nødvendige tilfelle*.

Departementet minner om at fristen for slike oversendingar - 15. november - må overhaldast for at ein skal kunne rekne med at slike saker verte behandla i tide.

Med helsing

Ole Fredriksen (e.f.)
avdelingsdirektør

Daniel Storholthe Kristiansen
prosjektleder

Dokumentet er signert elektronisk og har derfor ikkje handskrivne signaturar